



Gaeqseng Gyaez Gyaeu

爱 美 的 大 公 鸡

enj aek, yienh' ok cungj saenzheiq vifung maenh' ak ndeu.

Gaeqseng daeujdaengz ndaw ndoengfaex, yawjraen roegdingfaex cingq bang gofaex dot duznnon. De sing hung naeuz: "Roegdingfaex, mwngz yawj gou geijlai gyaeunde lwi?" Roegdingfaex naeuz: "Mbouj miz seizgan, mbouj miz seizgan! Gou cingq bang gofaex gaeb non ne!" Gaeqseng mbouj miz eiqseiq byaij deuz lo.

Gaeqseng daeujdaengz ndaw suenva, yawjraen duzrwi cingq au vafaenj. Gaeqseng dasang naeuz: "Duzrwi iq, duzrwi iq, mwngz yawj gou geijlai gyaeunde lwi?" Mwngz gamj

caeuq gou beij byawz gyaeunde lwi?" Duzrwi ngiengx gyaeuj hwnj, naeuz: "Doiq mbouj hwnj, gou mbouj ndaej-hoengq, mwngz bae caeuq bouxwnq beij ba!" Gaeqseng cijndaej hujdeng-deng byaij deuz lo.

Gaeqseng daeujdaengz henz nazhaeux, yawjraen duzgoep cingq gaeb nonhah, de byaij gvaqbae, naeuz: "Duzgoep, mwngz gamj caeuq gou doxbeij byawz gyaeunde lwi?" "Mbouj hoengq, mbouj hoengq! Gou cingq gaeb nonhah ne!" Duzgoep han naeuz. Gaeqseng cijnde youh byaij deuz lo.

Gaeqseng youh daeujdaengz gwnz loh, yawjraen duz maxhau cingq doz haeux, de gipmuengz naeuz: "Duz

maxhau, duz maxhau, mwngz gamj caeuq gou beij byawz gyaeunde lwi?" Maxhau naeuz: "Mbouj ndaej, mbouj ndaej. Gou lij guh hong ne! Mwngz yawj mwngz, daengx ngoenz doeng byaij sae byaij, hix mbouj vih gyoengqvunz guh saek di saeh. Mwngz rox lwi, aensim gyaeunde cij caencingq dwg gyaeunde ha!" Gaeqseng dingq le, najmong dwk ngaem gyaeuj roengzdaeu lo.

Seizneix, gaeqseng ngoenzngoenz cungj youq mwh daengngoenz yaek hwnj ndwn youq gwnz rin hung haen' oo, coi vunz hwnq caeux.

Mwngz yawj, seizneix gaeqseng geijlai gyaeunde ha!

(seiq nienzgaep Vuz Meijyenz)

Ranz gou miz haujlai haujlai haigven.

Sing "biba" ndeu, gou hai aen haigven douzyingjyiz, yienz-bonj mbawmuq hausag haenx sikhaek couh yienh' ok dozanq gak saek gak yiengh.

"Biba", gou hai aen haigven daeng' venj, ndaw ranz sikhaek ronghsagsag.

"Biba", gou youh hai aen haigven souhyinhgih, henz rwz sikhaek cienz daeuj sing bauq sinhvwnz.

.....

Haigven caen dwg aen dox-gaiq saenzgeiz he!

Gou maqmuengh batva naj cueng miz aen haigven ndeu, danghnaeuz bouxcawj lumz rwed raemx, cijaeu sing "biba" ndeu, batva couh rox byoq raemx

Aen Haigven Saenzgeiz

神 奇 的 开 关

okdaeuj rwed gova.

Gou maqmuengh ndaundeiq miz aen haigven ndeu, danghnaeuz doenghduz ndaw ndoengfaex yawj mbouj raen loh ma ranz, cijaeu sing "biba" ndeu, ndaw ndoengfaex couh miz rongh ciuq.

Gou maqmuengh daengngoenz hix miz aen haigven ndeu, danghnaeuz cungj didi dada doek fwn mbouj dingz, cijaeu sing "biba" ndeu, mbwn couh gvengq lo.

Gou lij maqmuengh daengnuengx, daxmeh, daxboh gak miz aen haigven ndeu. Mwh daeng-

nuengx fatheiq daej mbouj dingz, cijaeu sing "biba" ndeu, de couh daj daej bienq riu; mwh daxmeh nyaengq bae nyaengq dauq, cijaeu sing "biba" ndeu, de couh guh ndaej swnhswnh dangqdangq; mwh daxboh guh hong naetnaiq ma daengz ranz, cijaeu sing "biba" ndeu, de couh daengx ndang soengswt lo.

Gou maqmuengh gyoengqvunz bouxboux cungj miz aen haigven ndeu, cijaeu sing "biba" ndeu, nyienhmuengh couh ndaej saedyienh.

(ngeih nienzgaep Cwng Luya)



1 Lizmij Siusaet Haenx

消失的 1 厘米

Gyanghaet hwnqcong le, daxboh heuh gou rau ndang sang, rau ndaej dwg 137 lizmij sang. Daengz gyanghaemh yaek ninz, gou doiq daxboh naeuz: "Gou siengj caiq rau ndang sang baez ndeu, yawjyawj ngoenzneix gou dwg mbouj dwg maj sang." Daxboh rau sat le, riu naeuz: "Mbouj ndei eiqseiq, mwngz seizneix dwg 136 lizmij sang." Gou baez dingq couh gip lo, sing hung hemq daxgoeng: "Daxgoeng vaiq daeuj, gou gyanghaemh ndang sang baenzlawz beij gyanghaet lij daemq 1 lizmij ha?" Daxgoeng rihaha doiq gou naeuz: "Neix dwg mimiz bw."

Daxgoeng gangj gij mimiz ndawde hawj gou. Laxlawz bouxvunz cungj dwg gyanghaet lai sang, gyanghaemh lai daemq. Aenvih bouxvunz gyangngoenz itcig doengh, ndwn seizgan raez, rengz-yinx digiuz rag dwk bouxvunz, geh ndok saenlaeng bienq iq, ndigah gyanghaemh couh bienq daemq lo. Gou rox 1 lizmij haenx dwg baenzlawz siusaet lo, yaek siengj ra dauqma, seizneix couh ganjvaiq ninz roengzdaeu ninz.

(ngeih nienzgaep Vangz Lucang)

Youq Ranz Muiiq Ninz

在小熊家过夜

"Meh, haemhneix gou youq ranz muiiq ninz ndaej lwi?" Mouiq angqvauvau buet ma ranz cam daxmeh.

"Ndaej dwg ndaej," Daxmeh mouiq naeuz: "Hoeng, daxmeh miz di damyou bw."

"Daxmeh, mwngz damyou gijmaz ne?"

"Damyau mwngz caeuq muiiq caemh ninz aen mbonq he, gyanghwnz ngaiz doek roengz mbonq daeuj."

Mouiq riu lo, naeuz: "Meh, gou baujcingq mbouj doek roengz mbonq daeuj, muiiq hix mbouj doek."

"Hoeng daxmeh lij dwg damyou." Daxmeh mouiq itmienh gangj itmienh sou buh dak youq baihrog haenx.

"Meh, mwngz lij damyou

gijmaz?"

"Damyau sou guhcaemz guh dwk lumz ninz bae."

"O, meh, gou baujcingq dou cij guhcaemz daengz gouj diemj cung, baez daengz gouj diemj, couh gven daeng ninz."

Daxmeh ngaek gyaeuj lo.

Gwn sat haeuxcaeu, mouiq yaek bae ranz muiiq. "Meh, caiqraen!" Mouiq angqvauvau naeuz.

"Caiqraen!" Daxmeh mouiq cingj ndei buh mouiq, da yawj mouiq byaij bae gyae.

Ngoenz daihngaih gyanghaet, mouiq caeuxcaeux couh ma ranz lo. Song aen da de youh nding youh gawh.

Daxmeh mouiq yawj mouiq cam: "Mwngz mbouj ciuqseiz ninz ha?"



"Mbouj dwg law, daengz gouj diemj dou couh gven daeng ninz lo."

"Yienghneix sou itcig gangj-vah?"

"Mbouj ne, meh, dou coenz vah he hix mbouj gangj, muiiq ngamq ninz roengz mbonq couh ninzdaek lo."

"Mwngz ne? Mwngz ninz mbouj ndaek ha?"

"Dwg ha, meh, gou itcig siengj mwngz, ca mbouj lai siengj mwngz hwnz ndeu....." Mouiq gangj dwk gangj dwk, sing yied daeuj yied iq, aen' gyaeuj de ing youq gwnz mbaq daxmeh, diemzsis ninzdaek lo.

(Ginh Genvaz)